



ПОВЕРЕНИК ЗА ЗАШТИТУ  
РАВНОПРАВНОСТИ

Mareba opipe sa forme diskriminacija sito amari misija thaj angluni amari buti. Sebepi odova mangava te pačavav Tumen kaj sakoja Tumari davija ka ovel šukar dikhljardi ini kaj te alope dži ki diskriminacija ka kera sa te arakha Tumen. Diskriminacija našti te tolerišinipe. Sebepi odova reaguinen thaj roden arakhibe. Sakova suksesuno agorisardo procesi diskriminacijako ka ovel baro ažutipe ano lačaribe demokratikano thaj tolerantno amalipe ano savo sa dizutne isiljen jekha-jekh šansa sar jekhutne, aktivno thaj produktivno lena kotor ano sa segmentia amalipaska dživdipaske.

Dr. Nevena Petrušić, Djevaptuni vaš arakhibe jekhutnipaske

*Djevaptuno vaš jekhutnipe sito korkorutno thaj biphanglo raštrako organi angluno ano procesia diskriminacijake*

## SAR ŠAJ TE AVEN DŽI KO DJEVAPTUNO

But loke, e deviba davija

Davija šaj te del sakova ko dikhljarela kaj sine diskrimišimo, a ano olesko/olako anav thaj uzo olesko/olako mukljipe, odova šaj te kerel ini organizacija savi kerela buti e arakhiba manuškane hakaja jase disavi aver persona.

Davija manglape te ovela gendija ko sine dikrimišimo, sar sine diskrimišimo thaj ko kerdja diskriminacija, sar ini ispatia kotar diskriminacija.

Davija delape ani hramimi forma thaj manglape te ovel hramosardi. Šaj te delpe prekalo telefaksi, elektronikani posta jase ano disave situacije mujea, ano hramimo ljil.

Davije denape ani adresa:

Beogradska 70, 11000 Beograd

**Tel / Fax:** +381 11 243 80 20

+381 11 243 64 64

+381 11 243 81 84

**poverenik@ravnopravnost.gov.rs**

**www.ravnopravnost.gov.rs**

## SOJ TANI DISKRIMINACIJA

Diskriminacija si sakova biargumentuimo keribe averipe jase bijekhutno keribe(cidipe, disavo rami,jase devibe anglunipe) pedom džene jase grupe ani putardi jase garavdi forma, pedom fundo disavi olengi persona(rasa, morti,soj, raštripe, nacionalno thaj etnikako pheribe, čhib, religijako thaj politikano pheribe, muš jase džuvlji, rodno identiteti, seksualni orjentacija, mangin, bijanibe, genetika, sastipe, prandimasko thaj familijako statusi, phuripe, sar dićoveja, davijutnipe, sar ini sakova aver čačuno jase dikhljardo personalipe).

## SO NANE DISKRIMINACIJA

Nane sakova keribe averutnipe diskriminacija. Isi situacije kana o keribe averutnipasko šaj te ovel. Šaj te ovel, ano misal, te lenpe disave napia sar mi jekh grupa anelape ano jekhutno pašljoibe e averenca (napia vaš khuvibe ani buti vaš invalidia, putaribe arakhavde khera vaš romnja viktimia maribaske ani familija, angažuibe romane asistentia thaj aver).

## SO DJEVAPTUNO ŠAJ TE KEREL

### Devibe gndipe thaj rekomandacia

Kana olese resela davija, Djevaptuno legari procesi ano savo dikhljarela faktia thaj dela gndipe odolestar jase mi sine diskriminacija, a kana kerdjape, delape rekomandacia diskriminatorske sar te cidel čalavdipe hakajesko. Te sine diskriminatori na kerdja prekali rekomandacia, Djevaptuno dela sankcija a palo odova informišini publika.

### Tehnipe

Palo devibe davija a anglo sa so diso kerela, Djevaptuno šaj te del rekomandacia vaš tehnipe sar mi diskriminišuimo dženo thaj diskriminatori uzo ažutipe e medijatorsko nakhavena o problemi.

### Devibe davija

Te dikhljarela kaj manglape, Djevaptuno šaj, uzo mukljipe diskriminišuime dženosko, te legaren krisipasko procesi.

### Devibe phagipaski davija

Djevaptuno dela phagipaske davije sebepi phagipa save siton dikhljardine antidiskriminacione kanunea.